

SAKSPAPIR

Saksnr	Utval	Type	Dato
016/20	Arbeidsutval for innstilling i valsaker (valnemnd)	PS	20.10.2020
086/20	Heradsstyret	PS	28.10.2020

Saksbehandlar	ArkivsakID
Runar Ludvigsen	20/1034

Forliksrådet 2021-2024 - suppleringsval

Vedlegg:

Retningslinjer for valg av forliksrådsmedlemmer og skjønnsmedlemmer

Val av forliksrådmedlemmer - sak frå Heradsstyret 23.09.20

Rådmannen sitt framlegg til vedtak:

Rådmannen gjer ikkje framlegg til vedtak i valsaker

Arbeidsutval for innstilling i valsaker (valnemnd) - 016/20

VN - behandling:

I saka om fritak for Ann-Christin Reime Fosse vert det 2 forfall: KRF og FRP.

VN - vedtak:

Valnemnda innstiller:

Thomas Hjelmås, som erstatter for Svein Jarle Bernes

Valnemnda er delt i synet på fritak for Ann Christin Reime Fosse.

Fleirtalet (Ap, Sv, Sp, MDG) innstiller på at det ikkje vert gjeve fritak

Mindreatalet (H og V) innstiller på at det vert gjeve fritak.

Mindreatalet innstiller Tone Mosevoll som ny 3. vara, dersom det vert gjeve fritak for Ann Christin Reime Fosse.

Heradsstyret - 086/20

HS - behandling:

Johannes M. Bysheim, AP, informerte på vegne av arbeidsutval for innstilling i valsaker (valnemnda) at dei er delt i synet på fritak for Ann-Christin Reime Fosse. Fleirtalet (Ap, Sv, Sp, MDG) innstiller på at

det ikkje vert gjeve fritak, medan mindretalet (H og V) innstiller på at det vert gjeve fritak. Mindretalet innstiller Tone Mosevoll som ny 3. vara, dersom det vert gjeve fritak for Ann-Christin Reime Fosse.

Johannes M. Bysheim, AP, gjorde slikt framlegg på vegne av fleirtalet i arbeidsutval for instilling i valsaker (valnemnda): "Svein Jarle Bernes får fritak. Lista vert supplert med Thomas Hjelmås som nytt varamedlem, andre medlemmer på lista rykkjer opp. Det vert ikkje gjeve fritak for Ann-Christin Reime Fosse"

Hjalti H. Gislason, H, gjorde slikt framlegg: "Svein Jarle Bernes vert friteken frå vervet som medlem av Forliksrådet i Osterøy for resten av valperioden. Lista vert supplert med Thomas Hjelmås som nytt varamedlem, andre medlemmer på lista rykkjer opp.

Ann-Christin Reime Fosse vert friteken frå vervet som medlem av Forliksrådet i Osterøy for resten av valperioden. Lista vert supplert med Tone Mosevoll som nytt varamedlem, andre medlemmer på lista rykkjer opp."

AVRØYSTING:

Valnemnda sitt framlegg - 18 røyster (7FRP,4SP,4AP,2SV,1MDG)
Hjalti H. Gislason sitt framlegg - 8 røyster (4H,3KRF,1SP)

HS - vedtak:

Svein Jarle Bernes vert gjeve fritak. Lista vert supplert med Thomas Hjelmås som går inn som 3. vara.

Det vert ikkje gjeve fritak til Ann-Christin Reime Fosse.

Heradsstyret har difor vald slikt forliksråd for perioden 2021 - 2024:

Medlemmer	Varamedlemmer
Siren Tyssebotn, leiar	1. Torunn Åsheim
1. Ann-Christin Reime Fosse	2. Else Margrethe Aarland
2. Johannes Haugland	3. Thomas Hjelmås

Saksopplysningar:

Saksopplysningar:

Svein Jarle Bernes har den 25.09 gitt skriftleg melding til kommunen om at han ikkje ønskjer attval til ein 3. periode i forliksrådet for Osterøy kommune. Han vart den 23.09.20 valt inn som 3. medlem av forliksrådet av Heradsstyre, jf. vedtak: 069/20 (sjå vedlegg).

Jf. domstollova §74 kan ein person krevje seg fritatt frå val dersom vedkommande har vore medlem i to perioder tidlegare.

Ved suppleringsval skal: «*Den som oppnevnes som medlem eller varamedlem etter denne paragraf, kommer i rekkefølge etter dem som er oppnevnt tidligere.*», jf. domstollova §59 femte ledd.

Ann-Christin Reime Fosse har den 19.10 gitt skriftleg melding til kommunen om at ho ønskjer å trekkje seg som medlem av forliksrådet i perioden 2021-2024. Årsaka er at ho har fått ny jobb og at ho ser at det vil vere vanskeleg å kombinere. Ho vart den 23.09.20 valt inn som 2. medlem av forliksrådet av Heradsstyre, jf. vedtak: 069/20 (sjå vedlegg).

Bakgrunn:

I kvar kommune skal det vera eit forliksråd. Rådet skal ha 3 medlemmer med like mange varamedlemmer, alle valde av heradsstyret. Heradsstyret vel og formann mellom medlemmene. Begge kjønn skal vera representert, både mellom medlemmene og varamedlemmene. Varamedlemmene skal innkallast i den rekkjefølgje dei er oppnemnde. Forliksrådet vert oppnemnd av fylkesmannen.

Forliksrådsmedlemmene er formelt sett dommarar, domstollova sine reglar for slike gjeld difor. Medlemmene må såleis vera norske statsborgarar med røysterett, jfr. domstollova § 53:

Dommere må være norske statsborgere, menn eller kvinner, som er vederheftige, og som ikke er fradømt stemmerett i offentlige anliggender. For meddommere gjelder kravene etter § 70, og for skjønnsmedlemmer kravene etter skjønnsprosessloven § 14.

Er en dommer uvederheftig, blir dog ikke hans dommerhandlinger ugyldige av den grund. Heller ikke kan parterne kræve, at en dommer skal vike sæte, fordi han er uvederheftig.

Forliksrådsmedlemmene må vera fylt 25 år og vera under 70 år ved oppstart av valperioden, jfr. Domstollova § 56. Vidare kjem det fram i § 56 at som forliksrådsmedlem skal berre personar som vert rekna som særskild eigna til oppgåva veljast, og vedkomande må vera god i norsk, munnleg og skriftleg. Departementet understrekar at forliksrådet har ei viktig og krevjande oppgåve, og berre personar som på alle måtar er skikka for vervet bør veljast. Medlemmene bør delta i kurs og opplæring, og departementet understrekar vidare at forliksrådet ikkje er eit politisk råd eller utval, og at ein ved valet må ta omsyn til personlege eigenskapar. Av omsyn til kontinuitet bør ikkje heile forliksrådet skiftast samstundes.

Domstolene digitaliserast frå hausten 2020. Det vil difor vere ein stor fordel om forliksrådsmedlemmene som velgjast har god digital kompetanse.

Etter § 74 kan ein person kreva seg fritaken frå val dersom helsetilstand eller andre særlege grunnar tilseier det, eller dersom ein har vore medlem i 2 periodar tidlegare.

For val av forliksråd gjeld kommunelova sine reglar samt domsstollova §§ 57 og 71 – 73, <https://lovdata.no/dokument/NL/lov/1915-08-13-5>

Utelukka frå val på grunn av stilling er (etter domstollova § 71):

*Stortingsrepresentant/-vararepresentant
Statsrådet sine medlemmer, statssekretærar, statsrådene sine personlege politiske rådgjevarar og tilsette ved Statsministeren sitt kontor
Fylkesmenn og assisterande fylkesmenn
Utnemnde og konstituerte dommarar og tilsette ved domstolane
Tilsette ved påtalemyndet, i politiet, kriminalomsorga og personar som er tildelt avgrensa politimynde
Tilsette i justisdepartementet, Politidirektoratet og Domstoladministrasjonen og styret for denne
Tilsette og studentar ved Politihøgskulen og Fengselsskulen
Praktiserande advokatar og advokatfullmektigar
Kommunen sin administrasjonssjef og andre kommunale tenestemenn som tek direkte del i*

førebuinga eller gjennomføringa av valet (gjeld alle typar arbeid, også utføring av teknisk prega oppgåver, og gjeld i den kommunen vedkomande er tilsett i)

Medlemmene må oppfylle vandelkrava i lova, jfr. domstollova § 72.
Utelukket fra valg på grunn av vandel er:

- *den som er idømt ubetinget fengselsstraff i mer enn ett år,*
- *den som er idømt forvaring eller særreaksjoner etter straffeloven § 40 eller §§ 62 til 65,*
- *den som er idømt ubetinget fengselsstraff i ett år eller mindre, og det ved valgperiodens start er mindre enn 15 år siden dommen var rettskraftig,*
- *den som er idømt betinget fengselsstraff, og det ved valgperiodens start er mindre enn 10 år siden dommen var rettskraftig,*
- *den som er idømt eller har vedtatt bøtestraff for et forhold som etter loven kan medføre fengsel i mer enn ett år, og det ved valgperiodens start er mindre enn 10 år siden dommen var rettskraftig eller vedtakelsen,*
- *den som har fått betinget påtaleunntatelse eller domsutsettelse for et forhold som etter loven kan medføre fengsel i mer enn ett år, og det ved valgperiodens start er mindre enn 10 år siden avgjørelsen var rettskraftig.*

Dom på samfunnsstraff medfører utelukkelse etter første ledd nr. 1 eller 3, avhengig av lengden av den subsidiære fengselsstraffen. Ved delvis betinget fengselsstraff vurderes hver del for seg etter første ledd.

Det er kommunen som skal kontrollere at vilkåra for å veljast til forliksrådet er oppfylte. Kontrollen skjer i samarbeid med lensmannen.

Val av forliksråd skal skje i samsvar med reglane i kommunelova § 6 med dei avvik som følgjer av domstollova §§ 27 og 57.

Val av forliksrådet vert gjort i slik rekkefølge:

Først vert 3 medlemmer med like mange varamedlemmer valde. Deretter vert det vald formann mellom dei valde medlemmene. Deretter vert rekkjefølgja mellom dei 2 andre medlemmene fastsett. Til sist vert rekkjefølgja mellom varamedlemmene fastsett. Det skal vera både kvinner og menn mellom medlemmene og varamedlemmene.

Forliksrådet har for perioden 2021-2024 slik samansetjing:

Medlemmer	Varamedlemmer
Siren Tyssebotn, leiar	1. Johannes Haugland
1. Ann-Christin Reime Fosse	2. Torunn Åsheim
2. Svein Jarle Bernes	3. Else Margrethe Aarland

Valperioden er 4 år. Funksjonsperioden for dette valet er såleis frå 01. januar 2021 – 31. desember 2024

Valnemnda gjer innstilling til val i heradsstyret.

Dersom innstillinga frå valnemnda ikkje er samrøystes må valet gjennomførast som forholdsval jfr. Kommunelova § 7-7 andre ledd og § 7-6.

Vurdering

Valnemnda må erstatte for Svein Jarle Bernes til forliksrådet då han ikkje ønskjer i verte valt inn til ny periode (3. periode). Reglane for suppleringsval er hjemla i Domstollova §59.

Rådmannen kan ikkje med bakgrunn i domstollova § 74 og opplysningane ein har fått sjå at Ann-Christin Reime har rett til å krevje seg fritatt. Ein har rett til fri frå jobb for å delta i forliksrådet og skulle det ikkje la seg gjere med fri i einskilde tilhøve så har ein varamedlem som kan stille.

Valnemnda må merka seg departementet si oppmoding om å finna godt skikka personar til desse verva. Forliksrådet har ei viktig og krevande oppgåve i rettergangsordninga, og personlege eigenskapar og føresetnader er viktig for utøvinga av dette vervet. Det vert og tilrådd å sikra kontinuiteten i forliksrådet ved at ikkje alle medlemmene vert skifta ut samtidig.

Konklusjon

Saka vert lagt fram for valnemnda for innstilling til val i heradsstyret.